


# Kyrkjedøra



## Gudstenester i april / påska 2025:

### 6/4, : 4. s. i fastetida:

Moland kyrkje kl.16.00. Solidaritetsgudsteneste, v/ M.M. Dybdal. Prostidiakonen deltek.

Offer til Fasteaksjonen.

Konfirmantane vert sende ut med bøssene etter gudstenesta.

### 13/4, Palmesundag: Friluftsgudsteneste

i Birtedalen kl.12.00, v/ M.M.Dybdal.

Tak gjerne med noko å sitje på.

Høve til å grille.



17/4, Skirtorsdag: POS kl.12.00. Nattverd.

Veum kyrkje kl.19.00, v/M.M.Dybdal.

Offer til Care. Nattverd. Kyrjekaffi.

### 18/4, Langfredag: Pasjonsgudsteneste

Veum kyrkje kl.11.00, v/M.M.Dybdal.

### 20/4, påskedagen: Festgudsteneste

Moland kyrkje kl.11.00, v/M.M.Dybdal.

Offer til misjonsprosjektet. Nattverd.

### 21/4, 2. påskedag: Inga messe.

27/4, 2. sundag i påsketida: Diakonisamling på Vinjehuset i Åmot kl. 17.00.

Offer til Prostidiakonaten.

## Frå kyrkjeboka og gravprotokollen:



Døde: Øivind Klausen



Døpte: Moland kyrkje: Anna Aslestad Libjå, Gustav Kiland



## Fasteaksjonen 6. – 8. april 2025

Kirkens Nødhjelp arrangerer Fasteaksjonen, «Håp i ein drope vatn», mot slutten av fastetida. Nesten 800 millionar menneske lever utan tilgang til reint vatn i verda i dag, grunna jordskjelv, tørke, flaum, krig eller konflikhtar. Kirkens Nødhjelp yter naudhjelp på Gaza, i Ukraina, i Sudan og andre kriseramma område.

Dei fine konfirmantane våre skal på ei inspirasjonssamling i Bø 5. april saman med alle konfirmantane i prostiet. Etter solidaritetsgudstenesta i Moland kyrkje, vert konfirmantane sende ut med bøsser. Tak godt i mot dei!



## 40 – års årsjubileum for Prostidiakonstillinga

Feiring av jubiléet skjer på Vinjehuset i Åmot søndag 27. april 2025 kl. 17.00.

Samlinga startar med konsert med KNOT, som har spesialisert seg på Bjørn Eidsvåg- songar.

Etter samlinga blir det suppeservering og kake, før Per Emanuelsen deler sine tankar om diakonlivet både her i Vest- Telemark, og andre stader han har jobba.

Det blir elles utdeling av Diakoniprisen, og helsingar. Kvelden vert avslutta med gudsteneste der prost Asgeir Sele talar.

Alle som har lyst til å heidre prostidiakonen er velkomne!

Treng du skyss så tak kontakt med Marte, mob.nr. 471 77 227.

## FYRESDAL BARNEGOSPEL – Vi øver til 17. mai

Tysdag 29. april, 6. mai og  
13. mai, kl.16.30 – 17.15 på Betel.  
Middag frå kl.16.00.  
Både nye og rutinerte songfuglar er velkomne.



### Ungdomskveldar på Betel i april 2025:

Torsdag 10. april og torsdag 24. april,  
blir det Mekking & Mat & fleire aktivitetar  
for ungdom frå 13 – 19 år,  
men eigentleg er det inga aldersgrense.  
(24. april blir det QUIZ også).  
Kl 16.00 – 20.00. Møt opp og ha det gøy!



Tak kontakt med Emilie på kyrkjekontoret dersom du vil vite meir.



### Dei to båla i påska

*Eit bål for svik, og eit bål for forsoning.*

Etter påskemåltidet på skirtorsdag førebur Jesus læresveinane på kva som skal kome. Jesus seier «De kjem alle til å venda dykk bort frå meg». Peter svarar: «Om så alle vender seg bort – eg gjer det ikkje!» Jesus seier: «No i natt før hanen gjel to gonger, skal du forneakta meg tre gonger.»

Læresveinane gøymer seg når Jesus vert gripen i Getsemane. Peter følgjer etter eit stykke bak. Framme hjå øvstepresten, gøymer Peter seg mellom vaktmenn og andre rundt eit bål.

Ei teneste jente seier: Du òg var med denne Jesus frå Nasaret.»

Peter nektar. Ein annan seier: «Du er òg ein av dei.» Peter nektar.

Ein tredje seier: «Visst var denne mannen òg med han!». Peter nektar.

Hanen gjel. Det må ha vore smertefull for Peter. Han veit har svikta. Han skammar seg, angrar og gøymer seg i lag med dei andre læresveinane. Jesus er borte.

Etter tre dagar kjem kvinnene springande og fortel at dei har møtt Jesus. Læresveinane møter han òg. Men, Peter har framleis ikkje ordna opp. Nokre av læresveinane fiskar på Tiberiassjøen - heile natta utan å få noko. På morgonen møter dei ein mann på stranda, som oppfordrar dei til å kaste garnet på andre sida. Då kjenner dei att Jesus. Han har gjort i stand mat på bål for dei.

Medan dei sit rundt bålet får Peter høve til å gjere opp for seg.

Jesus spør: «Elskar du meg?». Peter svarar ja.

Endå ein gong spør Jesus: «Elskar du meg?». Peter svarar: «Du veit at eg har deg kjær».

Ein tredje gong, spør Jesus: «Peter, har du meg kjær?». Då vert Peter sorgfull, står det. Kanskje av di dette minner han om dei tre gongane han forneakta Jesus ved bålet. Kanskje han kjenner seg ubrukeleg og skamfull. Men Jesus gjev forsoning og ser potencialet i Peter. Han seier «Følg meg».

Peter fekk oppleve stor glede og djupt mørke på kort tid. Slik me òg kan. Noko vart såra, øydelagt og vondt. Han møtte dauden, som verkar så endeleg. Men, han fekk òg erfare at dauden ikkje har seiste ord. Jesus har lova oss at han ein dag skal gjenopprette og forsone alt som er skada.

Det håpet feirar me i påska.

Eg ynskjer deg ei påske full av håp.

Marte



**Kyrkjeskysst:** Treng du skyss til gudstenester eller andre kyrkjelege samlingar, så tak kontakt med kyrkjekontoret, seinast fredagen føre messa.

Kyrkjekontoret, Emilie Gravklev: 350 67 133 / 481 86 104 / [emilie.gravklev@fyresdal.kommune.no](mailto:emilie.gravklev@fyresdal.kommune.no)

Sokneprest, M.M.Dybdal: 471 77 227 - Kantor, F. Brander: 958 60 923 – Kyrkjetenar, Laje Bendik Gaaren: 992 79 053

Prostidiakon, E. Erikstein: 911 13 580